



Broj: 01-49-238-24 /18  
Datum: 22.01.2018. godine

Općinsko vijeće Maglaj  
Maglaj

Predmet: „Strategija razvoja Općine Maglaj 2012-2020. godine – revidirana za period 2018-2020.g.“ - prijedlog

Shodno Odluci Općinskog načelnika broj 01-49-238/17 od 13.02.2017.godine o formiranju Općinskog razvojnog tima za reviziju "Strategije razvoja općine Maglaj 2012-2020. g., Zaključku Općinskog vijeća Maglaj o usvajanju nacrtu dokumenta „Strategija razvoja Općine Maglaj 2012-2020. godine – revidirana za period 2018-2020.g.“, broj 02-05-1-2949/17 od 28.12.2017. godine te javnog uvida i javne rasprave održane 17.01.2018. godine, razmotrene su pristigle primjedbe i prijedlozi i utvrđena konačna verzija dokumenta "Strategija razvoja općine Maglaj 2012-2020. g. revidirano za period 2018-2020.g. te se isti upućuje Općinskom vijeću Maglaj na usvajanje.

Obrazloženje:

Strategija integriranog razvoja 2012–2020. godine je ključni strateško-planski dokument općine Maglaj i predstavlja osnovni plan rada i okvir za definisanje zajedničkih ciljeva, podsticanje lokalnih snaga, ali i odgovor na izazove budućeg razvoja općine i sveukupnog života u njoj.

Krajem pete godine implementacije Strategije razvoja (2012-2016), provedena je nezavisna evaluacija Strategije, kao što je predviđeno Metodologijom za integrirano planiranje lokalnog razvoja (MiPRO).

Na osnovu nalaza i preporuka evaluacije, revidirana je strateška platforma, koja je poslužila kao osnova za prilagođavanje sektorskih planova za period 2018-2020. g.

Naročita pažnja je posvećena prilagođavanju strateških i sektorskih ciljeva novim okolnostima i problematici koja će biti aktuelna u periodu do isteka Strategije.

Za reviziju strateškog plana razvoja općine Maglaj korištena je standardizirana Metodologija za integrirano planiranje lokalnog razvoja (MiPRO), prihvaćena i preporučena od strane entitetskih vlada te saveza općina i gradova oba entiteta. MiPRO je u potpunosti usklađena sa postojećim zakonskim okvirom kojim je definisano planiranje razvoja na lokalnom nivou, gdje je općinska uprava nosilac procesa izrade i implementacije strategije, uz maksimalno uključivanje i svih drugih aktera u lokalnoj zajednici. Nadalje, MiPRO je u potpunosti usaglašena sa vodećim principima i pristupima strateškom planiranju koje promovira Evropska unija.

Prilikom izrade revidirane Strategije, uzet je u obzir i Zakon o razvojnom planiranju i programiranju razvoja u Federaciji BiH koji je stupio na snagu u maju 2017. godine.

Revidiranje Strategije je proveo Općinski razvojni tim i sektorske grupe, koje je imenovao Općinski načelnik, uz učešće predstavnika javnog, privatnog i nevladinog sektora u okviru Partnerske grupe.

U kontinuitetu su realizovane sve aktivnosti propisane metodologijom, i nakon 8 sjednica Općinskog razvojnog tima, sjednica sektorskih grupa i partnera na izradi, nastao je dokumenta Strategije razvoja općine Maglaj 2012-2020. godine revidirana za period 2018-2020.g..

Partnerska grupa sačinjena je od predstavnika javnog, privatnog i nevladinog sektora je imala zadatak validirati stratešku platformu i cjelokupnu strategiju što je i urađeno putem organizacije dva sastanka Partnerske grupe (prvi je održan 28.02.2017., a drugi 21.11.2017. godine) nakon čega je dokument revidirane strategije u formi nacrt dostavljen Općinskom vijeću na razmatranje i usvajanje.

Zaključkom Općinskog vijeća broj 02-05-1-2949/17 od 28.12.2017. godine nacrt dokumenta „Strategija razvoja Općine Maglaj 2012-2020. godine – revidirana za period 2018-2020.g.“ je u predloženoj formi usvojen i upućen na javnu raspravu.

Shodno Zaključku Općinskog vijeća Maglaj, provedena je javna rasprava, te završna javna rasprava na sjednici održanoj 17.01.2018. godini.

Nakon razmatranja iznesenih prijedloga/primjedbi, u odnosu na usvojeni Nacrt dokumenta, završna verzija dokumenta „Strategija razvoja Općine Maglaj 2012-2020. godine – revidirana za period 2018-2020.g.“ je doživjela slijedeće izmjene:

- U cilju naglašavanja značaja i potrebe očuvanja i obnove šumskog fonda, formulacija projekta P 3.3.2.2. Zaštita i očuvanje platana se mijenja i glasi - 3.3.2.2. Zaštita i očuvanje platana, drvoreda i obnova šumskog fonda.
- Povećavaju se sredstva za finasiranje i mijenja struktura finasiranja projekta P 3.4.1.5. Sanacija divljih deponija na području općine, sa planiranih 20.000 na 70.000 KM.
- Povećavaju se sredstva za finasiranje projekta P 3.2.3.1. Rekonstrukcija gradske vodovodne mreže, za I godinu implemntacije sa 5.000 na 20.000 KM iz budžeta Općine Maglaj odnosno u ukupnom iznosu, sa 200.000 na 215.000 KM.
- Povećavaju se sredstva za finasiranje projekta P 2.1.1.1. Izgradnja sportske sale MSS i Gimnazije-prva faza sa 5.000 na 15.000 KM, iz budžeta Općine Maglaj.

Razmotreni su i ostali prijedlozi i sugestije, proistekle iz javne rasprave i konstatovano je da su isti već sadržani i obuhvaćeni postojećim projektima ili predstavljaju zakonsku obavezu i biti će realizovani u redovnom radu općinskih službi.

Tehnička pomoć u procesu srednjoročne evaluacije i revizije Strategije razvoja pružena je Općinskom razvojnog timu u okviru Projekta integriranog lokalnog razvoja (ILDLP), uz finansijsku podršku Švicarske agencije za razvoj i saradnju.

Preduslov kvalitetne i pravovremene implementacije Strategije jeste prepoznavanje njenog značaja od strane sveukupne lokalne zajednice i viših nivoa vlasti, ali i uspostava Strategijom predviđenih mehanizama za njenu implementaciju, izvještavanje, ažuriranje i sveukupnu operacionalizaciju.

Općinski razvojni tim će u narednom periodu redovno ažurirati i evaulirati aktivnosti iz Strategije razvoja općine Maglaj 2012-2020.godina – revidirano za period 2018-2020.g., izrađivati godišnje akcione planove te u kontinuitetu raditi na sprovođenju istih.

U skladu sa MiPRO metodologijom dokument će se prema ukazanoj potrebi i u skladu sa aktuelnim stanjem ažurirati i prilagođavati.

Zaključak:

Pređaže se Općinskom vijeću Maglaj da usvoji predloženi dokument „Strategije razvoja Općine Maglaj 2012-2020. godine – revidirana za period 2018-2020.g.“ i kao takav verifikuje kao osnovu lokalnog razvoja u periodu 2018-2020. i plan rada općinske administracije kao i svih drugih aktera lokalnog razvoja a Plan implementacije i indikativni finansijski okvir za 2018-2020.g. kao akcioni plan implementacije za 2018. godinu.

DOSTAVLJENO:

1. Općinsko vijeće Maglaj
2. Arhiva Općine



Općinski načelnik /  
Predsjednik Općinskog razvojnog tima

Mirsad Mahmutagić